

廣東通志

(清)阮元修
陳昌齊纂
劉彬華等纂

廣東通志

四

上海古籍出版社

廣東通志卷二百三十一

官績錄一秦漢三國

任翽南海尉 趙佗龍川令南海尉以上秦

羅宏 儵尹

楊扶 蔡母俊

張裔 周啟陳茂

夏方 張磐

蔣晉 朱爵

賈琮 孫輔

周乘 步騰

呂岱俱州官 孫約

費貽 衛瑛

茨充 鄧彪

喻猛 許荆

樂巴 趙越

李温 度尙

周憬 胡瑒

孟嘗 陸康

李肅 孔嵩

陳稚升俱郡官 黃演

區社 熊俱縣令以上漢

陸允 吳展

虞授

陶瑱俱州官

鍾離牧

羊衡俱郡官以上三國

秦

陸修

薛綜

陸凱

任翽秦南海尉病且死召龍川令趙佗語曰聞陳勝等作亂秦爲無道天下苦之項羽劉季陳勝吳廣等州郡各共興軍聚衆虎爭天下中國擾亂未知所安豪傑畔秦相立南海韓遂吾恐盜兵侵地至此吾欲與兵絕新道自備待諸侯變會病甚且番禺負山險阻南海東西數千里頗有中國人相輔此亦一州之主也可以立國郡中長吏無足與言者故召公告之卽被佗書行南海尉事史記南越尉佗傳翽能和輯粵衆粵人皆附天下大亂而南海晏然不被兵革翽之力也東漢書趙佗真定人也秦并天下畧定揭粵置桂林南海象郡以適徙民與粵雜處十三歲至二世時南海尉任翽病且死召佗被佗書行南海尉事翽死佗卽移檄告橫浦陽山湟谿關曰盜兵且至急絕道聚兵自守因稍以法誅秦所置吏以其黨爲守假秦已滅佗卽擊并桂林象郡自立爲南粵武王漢書南粵傳

議案趙佗爲秦令尉故宦績隸之秦不屬
於漢及自立爲南粵王以後諸事則見前
事畧

兩漢

羅宏長沙人元封五年初置交州部刺史察所部
郡國治所在蒼梧郡往刺史多以荒遠行部罕還
部吏因得恣其貪殘宏爲刺史春行冬息偏懸所
部咨詢疾苦太守多解綬請罪宏廉實舉發一時
貪殘爲之斂迹江表傳所至繕葺城社番禺都內
尉佗有南武城其北越王山路井陌連磴相傳爲
宏所闢云黃志

值尹丹陽人舉孝廉爲郎需次京師永平十七年
春二月儋耳募義貢賦其夷詭異生則鑲其頰皮
連耳匡分爲數支狀如雞腸繫繫下垂渠帥貴長
耳皆穿而縋之垂肩三寸見者詫爲異物不敢正
視是時甘露頻降枝枝內附公卿百官皆以爲祥
瑞顯應徵在遠人乃集朝堂稱觴上壽適張純子
奮襲武始侯來朝亦與焉尹從奮引見便殿應對
合旨顯宗奇尹才美因拜尹儋耳太守尹至郡敷
政未久下詔擢爲交趾刺史還至珠崖戒勅官吏
毋貪珍賂勸諭其民毋鐵面頰以自別於洞僮雕
題之俗自是日變建初中以尹能匡俗信民厚加

賞賜遷武陵太守上同

謹案黃佐此傳注云據後漢書風俗通交
趾外域記參修考范書張奮傳十年儋耳
降附黃志作十七年與范書不同且應對
合旨乃張奮事范書無一語及儋尹又檢
風俗通亦無儋尹事惟廣韻儋字下引風
俗通云儋氏漢有交趾太守儋尹不云丹
陽人資治通鑑丹陽儋芝胡三省亦引風
俗通與廣韻同芝豈尹之苗裔耶黃佐時
謝承後漢書足本風俗通具在其言必有
所本交趾外域記其書久亡不可考矣

楊扶字聖儀會稽烏傷人也黃志交趾刺史有理能
名後漢書洞民有羣入人家奪飲食者其家與之
格鬪黨與畢集因行劫掠督郵往捕反爲所傷後
乃益兵始就縛扶謂曰汝第飢餓叱使就粟南海
郎吏盡諍以爲縱惡不可扶笑道之行二日盡投
江中聞者大驚有督郵市物泉刀盡失訟諸扶扶
密遣人謂得所遺予媼媼感泣而去黃志

謹案後漢書楊璇傳璇烏傷人扶璇之父
也黃佐注云一作江浦人又曰惠州人爲
之謠曰楊聖儀政多奇考江浦當作浦江
唐之浦陽縣五代時改爲浦江惠州之名

始於宋時後漢安得有浦江縣及惠州府
耶故棄而不錄

募毋俊者會稽上虞人也少涉儒學治左氏春秋
永初中舉孝廉拜左校令出爲交趾刺史元初三
年合浦蠻夷反叛遣侍御史任遠督州郡兵討之
俊保障蒼梧乃往戍行所向摧靡功當封賞上書
歸功命使自謂致寇當誅安帝下詔美之其後同
郡虞翻稱俊拔濟一郡讓爵土之封謂此也黃志

謹案唐類函引會稽先賢傳曰募毋俊爲
交州刺史詔賜高山冠絳三匹權節臨難
授命立功討賊以報上心黃志所據各書
無此數語錄之以資博証

張喬南陽人永和二年日南象林徼外蠻夷區構
等數千人攻象林縣燒城寺殺長吏交趾刺史樊
演發交趾九真二郡兵萬餘人救之兵士憚遠役
遂反攻其府二郡雖擊破反者而賊勢轉盛會侍
御史賈昌使在日南與州郡并力討之不利遂爲
所攻圍歲餘而兵數不繼帝以爲憂明年召公卿
百官及四府掾屬問方畧皆議遣大將發荆揚充
豫四萬人赴之大將軍從事中郎李固駁之謂喬
前在益州有破虜功可任用卽拜喬爲交趾刺史
喬至開示慰誘並皆降散由是嶺外復平後漢書
南蠻傳

周敞汝南人舉孝廉黃志順帝永和九年議按九爲
交趾太守求立爲州朝議不許卽拜敞爲交趾刺
史晉書地理志懷柔民夷甚有威惠自鄧讓以七郡歸
附後寇賊時發敞能勞來安集海寇不敢犯境嘗
行部至龍川聞山木響異因伐取其中以爲鼓以
下分鼓給桂林郡上分鼓給交趾郡擊一鼓則二
鼓皆鳴俚僚相驚謂有龍潛而密應莫不畏之因
名其山曰龍山敞辟同郡陳茂爲別駕從事並有
奇績黃志茂字君因汝南人容止嚴恪鬚眉甚偉客
仕蒼梧俗通爲交趾別駕舊刺史行部不渡潯
海刺史周敞涉海遇風船欲覆沒茂拔劍誦罵水
神風卽止息後漢書

夏方九江人爲交州刺史建康元年日南蠻夷千
餘人攻燒縣邑煽動九真方開恩招誘賊皆降服
時梁太后臨朝美方之功遷爲桂陽太守桓帝永
壽三年居風令貪暴無度縣人朱達等及蠻夷相
聚攻殺縣令衆至四五千人進攻九真九真太守
兒式戰死遣九真都尉魏朗破之斬首二千級渠
帥猶屯據日南衆轉強盛延熹三年詔復拜方爲
交趾刺史方威惠素著日南宿賊聞之二萬餘人
相率詣方降後漢書

張磐字子石丹陽人以操行清廉見稱守廬江時

京師諺曰聞清白張子石

謝承後漢書

延熹五年夏四

月長沙賊起寇桂陽蒼梧

荆州刺史度

尚纂諸蠻

夷大破之降者數萬人

七年遷桂陽太守明年

徵還京師桂陽賊胡蘭等三千餘人復攻桂陽

尚傳餘黨南走蒼梧時磐爲交州刺史擊破之賊

復還入荆州界

復以尚爲荆州刺史尚懼爲已

負遁僞上言蒼梧賊入荆州於是徵交趾刺史磐

下廷尉辭狀

未正會赦見原磐不肯出獄吏謂磐

曰天恩曠然而君不出何也磐固自列曰前長沙

賊胡蘭作難荆州餘黨散入交趾

磐身膺甲冑涉

危履險討擊凶患斬殄渠帥餘燼烏竄冒遁還奔

荆州刺史度尚懼磐先言怖畏罪戾伏奏見誣

磐

備位方伯爲國爪牙而爲尚所枉受罪牢獄夫事

有虛實法有是非

磐實不辜赦無所除如忍以苟

免承受侵辱之恥生爲惡吏死爲敝鬼乞傳尚詣

廷尉面對曲直足明

實尚不徵者磐埋骨牢檻

終不虛出望塵受枉廷尉以其狀上詔書徵尚到

廷尉辭窮受罪以先有功得原

尚

蔣晉者荆州泉陵人也靈帝時舉孝廉拜尚書郎

後除汝南太守遷交趾刺史入奏事應對不滯拜

尚

尚書

志

黃

朱雋字公偉會稽上虞人交趾部羣賊並起牧守

軟弱不能禁又交趾賊梁龍等萬餘人與南海太

守孔芝反叛攻破郡縣光和元年即拜雋交趾刺

史令過本郡簡募家兵及所調合五千入分兩道

入既到州界按甲不前先遣使詣郡觀賊虛實宣

揚威德以震動其心既而與七郡兵俱進逼之遂

斬梁龍降者數萬人旬月盡定以功封都亭侯千

五百戶賜黃金五十斤徵爲諫議大夫

賈琮字孟堅東郡聊城人也舉孝廉再遷爲京兆

令有政理述舊交趾土多珍產明璣翠羽犀象瑋

瑁異香美木之屬莫不自出前後刺史率多無清

行上承權貴下積私賂財計盈給輒復求見遷代

故吏民怨叛中平元年交趾屯兵反執刺史及合

浦太守自稱柱天將軍靈帝特敕三府精選能吏

有司選舉琮爲交趾刺史琮到部訊其反狀咸言

賦斂過重百姓莫不空單

京師遠遣告寃無所民

不聊生自活故聚爲盜賊琮即移書告示各使安

其資業招撫荒散獨復舊役誅斬渠帥爲大害者

簡選良吏試守諸縣歲間蕩定百姓以安巷路爲

之歌曰賈父來晚使我先反今見清平吏不敢飯

在事三年爲十三州最徵拜議郎

本傳

孫輔字國儀黃弟也以揚武校尉佐孫策平三郡

策立輔爲廬陵太守撫定屬城分置長吏遷平南

策

將軍假節領交州刺史遣使與曹公相聞事覺權

幽繫之數歲卒

吳書

周乘字子居汝南安城人天資聰朗亭峙岳立非陳蕃黃憲之徒則不交也建安中被徵拜侍御史公車司馬令不畏強禦以是見怨於幸臣出爲交趾刺史上書云南交絕域習于貪濁強宗聚奸長吏肆校侵漁萬民貽毒久矣今爲聖朝掃清一方屬縣解印綬棄官者四十餘城

黃志

步騭字子山臨淮淮陰人也建安十五年出領都陽太守徙交州刺史立武中郎將領武射吏千人便道南行明年拜使持節征南中郎將劉表所置蒼梧太守吳巨陰懷異心外附內違騭降意懷誘請與相見因斬狗之威聲大震士燮兄弟相率供命南土之賓自此始也益州大姓雍閭等殺蜀所署太守正昂與燮相聞求欲內附騭因承制遣使宣恩撫納由是加拜平戎將軍封廣信侯

吳書

呂岱字定公廣陵海陵人延康元年代步騭爲交州刺史到州高涼賊帥錢博乞降岱因承制以博爲高涼西部都尉又鬱林夷賊攻圍郡縣岱討破之是時桂陽潯陽賊王金合衆於南海界上首亂爲害權又詔岱討之生縛金傳送詣都斬首獲生凡萬餘人遷安南將軍假節封都鄉侯交趾太守

士燮卒權以燮子微爲安遠將軍領九真太守以校尉陳時代燮表分海南三郡爲交州以將軍戴良爲刺史海東四郡爲廣州岱自爲刺史遣良與時南入而微不承命舉兵戍海口以拒良等岱於是上疏請討微罪督兵三千人晨夜浮海或謂岱曰微藉累世之恩爲一州所附未易輕也岱曰今微雖懷逆計未虞吾之卒至若我潛軍輕舉掩其無備破之必也稽留不速使得生心嬰城固守七郡百蠻雲合響應雖有智者誰能圖之遂行過合浦與良俱進微聞岱至果大震怖不知所出卽率兄弟六人內袒迎岱岱皆斬送其首微大將甘醴桓治等率吏民攻岱奮擊大破之進封番禺侯於是除廣州復爲交州如故岱既定交州復進討九真斬獲以萬數又遣從事南宣國化暨微外扶南林邑望明諸王各遣使奉貢權嘉其功進拜鎮南將軍黃龍三年以南土清定召岱還屯長沙渥口會武陵蠻夷蠢動岱與太常潘濬共討定之潘濬卒岱代濬領荊州文書與陸遜並在武昌頃之屢式作亂攻圍城邑零陵蒼梧鬱林諸郡檣樓岱自表輒行星夜兼路權遣使追拜岱交州牧及遣諸將唐咨等略驛相繼攻討一年破之斬式及遣諸所僞署臨賀太守費楊等并其支黨郡縣悉

平岱清身奉公所在可述初在交州歷年不餉家
妻子飢乏權聞之歎息以讓羣臣曰呂岱出身萬
里爲國勤事家門內困而孤不早知股肱耳目其
責安在於是加賜錢米布絹歲有常限本傳

孫約會稽人父幸武帝末爲珠崖太守調廣幅布

獻之蠻不堪役遂攻郡殺幸於是約率善人還復
破之自領郡事討擊餘黨連年乃平約遣使封還

印綬上書言狀制詔卽以約爲珠崖太守威政大

行獻命歲至後漢書

費貽璉爲人光武聞其賢下詔徵爲合浦太守治
政清簡民懷其德合浦江山皆以廉名由貽廉故

也一統志

衛風字子產河內修武人也家貧好學問隨師無

糧常備以自給王莽時仕郡歷州宰建武二年辟

大司徒鄧禹府舉能案劇除侍御史襄城令有名

迹遷桂陽太守郡與交州接壤頗染其俗不知禮

則竭下車修庠序之教設婚姻之禮期年間邦俗

從化先是含滙漬陽曲江三縣越之故地武帝平

之內屬桂陽民居深山濱溪谷習其風土不出田

租去郡遠者或且千里吏事往來輒發乘船名曰
傳役每一吏出徭及數家百姓苦之風乃鑿山通
道五百餘里列亭傳置郵驛於是役省勞息姦吏

杜絕流民稍還漸成聚邑使輸租賦同之平民蠲
理郵民事居官如家其所施政莫不合於物宜視
事十年郡內清理一十五年徵還光武欲以爲少
府會蠲被疾不能起勅以桂陽太守歸家後漢書

傳吏

茨充字子河漢書道元水苑人也舉孝廉爲桂

陽太守俗不種桑無蠶織絲麻之利類皆以麻梟

頭組著衣民情寡少蠶履盛冬皆以火燎足多割

裂充令屬縣教民益種桑柘養蠶織履復令種紵

麻數年之間人賴其利衣履溫煖元和中荊州刺

史上言臣行部入長沙界觀者皆徒跣臣問御佐

曰人無履亦苦之否御佐對曰十二月盛寒時並

多割裂血出然火燎之春溫或屢潰建武中桂陽

太守茨充教人種桑養蠶人得其利至今江南頗知

桑蠶織履皆充之化也東觀漢記今廟食於連州黃

鄧彪字智伯南陽新野人也少勵志修孝行仕州

郡辟公府五遷桂陽太守永平十七年徵入爲太

僕後爲太尉在位清白永元五年薨於位天子親

臨弔臨葬彪卽宣所至聽訟必久坐詳論曲

紅之南所憇有鄧公石始興民於石上建祠報之
志黃
喻猛字驥孫豫章人和帝時爲蒼梧太守以清白

爲治郡人歌之

江西志

許荆字少張會稽陽羨人也少爲郡吏太守黃兢舉孝廉和帝時稍遷桂陽太守郡濱南州風俗彫薄不識學義荆爲設喪紀婚姻制度使知禮樂嘗行春到耒陽縣人有蔣均者兄弟爭財互相言訟荆對之歎曰吾荷國重任而教化不行咎在太守乃顯使吏上書陳狀乞詣廷尉均兄弟感悔各求受罪在事十二年父老稱歌以病自上徵拜諫議大夫卒於官桂陽人爲立廟樹碑後漢書有碑

竊巴字叔元魏郡內黃人也好道順帝世以宦者給事掖庭補黃門令非其好也性質直學覽經典雖在中官不與諸常侍交接後陽氣通暢白上乞退擢拜郎中四遷桂陽太守以郡處南垂不開典訓爲吏人定婚姻喪紀之禮興立學校以獎進之雖幹吏卑末皆課令習讀程試殿最隨能升授政事明察視事七年以病乞骸骨後漢書有傳

趙越字彥善河南獲嘉人也以辟舉累遷桂陽太守政有異績遷五官郎將尚書僕射遭憂服闋守河南尹建寧中卒

黃志

謹案黃志此傳注云據水經注今水經注無趙越事黃傳不知所本又續漢書百官志無五官郎將之名或五官下脫中字然

五官中郎將比二千石尚書僕射比六百石既遷五官中郎將非降責又無爲尚書僕射之理似郎將當爲中郎之譌中郎比六百石但太守二千石而五官中郎六百石則不得言遷黃傳蓋有脫誤不可考矣

李溫者巴郡宕渠人也少與同里馮緄學春秋司馬兵法初舉孝廉爲郡功曹順帝時爲桂陽太守善折獄好發奸摘伏吏民畏其權數盜賊亦不敢竊發聞郡稱治後緄持節督揚州諸郡討賊溫與帥兵相特角往擊破之因謝病歸卒於家葬與緄聯冢二子之靈常以三月還鄉潛水舉長郡縣吏民莫不於水上致祭今所謂馮李也

黃志

度尚字博平山陽湖陸人也延熹五年長沙零陵賊合七八千人自稱將軍入桂陽蒼梧南海交趾交趾刺史及蒼梧太守望風逃奔二郡皆沒遣御史中丞盛脩募兵討之不能剋豫章交縣人六百餘人應募而不得賞直怨恚遂反焚燒長沙郡縣寇益陽殺縣令衆漸盛又遣謁者馬睦督荊州刺史劉度擊之軍敗睦度奔走桓帝詔公卿舉任代劉度者尚書朱穆舉尚自右校令擢爲荊州刺史尚躬率部曲與同勞逸廣募雜種諸蠻夷明設購賞進擊大破之降者數萬人桂陽宿賊渠帥卜陽

潘鴻等畏尙威烈徙入山谷尙窮追數百里遂入南海破其三屯多獲珍寶而陽鴻等黨衆猶盛尙欲擊之而士卒驕富莫有鬪志尙計緩之則不戰逼之必逃亡通宣言卜陽潘鴻作賊十年習於攻守今兵寡少未易可進當須諸郡所發悉至爾通并力攻之申令軍中恣聽射獵兵士喜悅大小皆相與從禽尙通密使所親客潛焚其營珍積皆盡獵者來還莫不涕泣尙人人慰勞深自咎責因曰卜陽財寶足富數世諸郡但不并力耳所亡少少何足介意衆聞咸憤踊尙勅令秣馬蓐食明且徑赴賊屯陽鴻等自以深固不復設備吏士乘銳遂大破平之尙出兵三年羣寇悉定七年封右鄉侯遷桂陽太守明年徵還京師時荊州兵朱蓋等徵戍役久財賞不贍忿恚作亂與桂陽賊胡蘭等三千餘人復攻桂陽焚燒郡縣太守任允棄城走賊衆遂至數萬轉攻零陵太守陳球固守拒之於是尙爲中郎將將幽冀黎陽烏桓步騎二萬六千人救球又與長沙太守抗徐等發諸郡兵并統討擊大破之新蘭等首級三千五百級餘賊走蒼梧詔賜尙錢百萬餘人各有差本傳漢書

周憬字君光徐州下邳人也體性敦仁天資篤厚行與閭門名口州里舉孝廉拜尙書侍郎遷汝南

固始相遂拜桂陽時邦域惟寧郡又與南海接比商旅所臻自瀑亭至于曲江壹縣此水其水源也出於王禽之山分流離散爲十二川正阜錯連隔隙壅蔽景乃貫山嶺石浮沉潛伏千渠萬澮合聚豁澗下迄安祿六澮作難其下注也若奔車失轡狂牛無縻及其上也則羣輩相隨鳴號慷慨非徒衰寶玩隕珍奇寶珠貝流象犀也乃命良吏獎帥壯夫排頽礮石投之豁口口高填下盤截同曲弼水之邪性順導其經脉斷根澁之電波屬陽侯之淵涌繇是小溪乃平直大道允通利抱布買絲交易而至熹平三年歲在攝提仲冬之月曲江長區社與邑子故吏龔臺郭若龔雒等命工擊石建碑于灤上勒銘其功傳之萬世垂示無窮碑文

胡瑒南陽新野人高祖父著曰南太守著生珍騎都尉尙湖陽長公主卽光武之伯姊也瑒早有辦惠好章句博學修行尤篤孝愛桓帝時舉孝廉累遷桂陽太守修明風政吏民戴之以延熹四年遭母喪去官廬於墓次立石祠勒銘于梁石字頌類而梁銘無數數百年景迹存焉志

孟嘗字伯周會稽上虞人也少修操行仕郡爲戶曹史後策孝廉舉茂才拜徐令州郡表其能遷合

浦太守郡不產穀實而海出珠寶與交趾比境常通商販貿糧食先時宰守並多貪穢詭人探求不知紀極珠遂漸徙於交趾郡界於是行旅不至人物無資貧者死餓於道嘗到官革易前敝求民病利曾未踰歲去珠復還百姓皆反其業商賈流通稱爲神明以病自上被徵當還吏民攀車請之嘗既不得進乃載鄉民船夜遁去隱處窮澤身自耕備鄰縣士民慕其德就居止者百餘家桓帝時尚書同郡楊喬上書薦嘗曰臣前後七表言故合浦太守孟嘗而身輕言微終不蒙察區區破心徒然而已嘗安仁宏義耽樂道德清行出俗能幹絕羣前更守宰移風改政去珠復還饑民衆活且南海多珠財產易積掌握之內價盈兼金而嘗單身謝病躬耕塋次匿景藏采不揚華藻實羽翮之美用非徒腹背之毛也而沉淪草莽好爵莫及厥廟之寶棄於溝渠且年歲有訖桑榆行盡而忠貞之節永謝聖時臣誠傷心私用流涕夫物以遠至爲珍士以稀見爲貴榮木朽株爲萬乘用者左右爲之容耳王者取士宜拔衆之所貴臣以斗筲之姿趨走日月之側思立微節不敢苟私鄉曲竊感禽息亡身進賢嘗竟不見用年七十卒于家

陸康字季寧吳郡人也少惇孝弟勤修操行太守

後漢書

李肅察孝廉刺史咸見舉爲茂才除高成令光和元年遷武陵太守轉守桂陽樂安二郡所在稱之

後漢書

李肅字偉恭南陽人少以才聞善論議臧否得中

既奇錄異薦述後進題目品藻曲有條貫衆人以此服之權擢以爲選舉號爲得才求出補吏爲桂陽太守吏民悅服徵爲卿會卒知與不知並痛惜焉

後漢書

孔嵩字仲山

謀拔謝書

南陽人少遊太學與山陽

范式爲友後式官至荊州刺史而嵩家貧親老乃

變名姓備爲新野縣阿里街卒式行部至新野而

縣選嵩爲導騎迎式式見而識之呼嵩把臂謂曰

子非孔仲山耶對之歎息語及平生曰昔與子俱

曳長裾遊進帝學吾蒙國恩致位牧伯而子懷道

隱身處於卒伍不亦惜乎嵩曰侯顏長守於賤業

晨門肆志於抱關子欲居九夷不患其陋貧者士

之宜豈爲鄙哉式敕縣代嵩嵩以爲先備未竟不

肯去嵩在阿里正身勵行街中子弟皆服其訓化

遂辟公府之京師道宿下亭盜共竊其馬尋問知

其嵩也乃相責讓曰孔仲山善士豈宜侵盜乎於

是送馬謝之嵩官至南海太守

後漢書

范式傳在郡清白

龐袍憫食如貧賤時

黃志

陳惟升蒼梧太守治尚清靜民化之固圉恒空臨水釣魚以自適

新志

黃演字元長荊州江陵人少有志性父母病輒不

飲食病止復故章和中舉孝廉仕番禺令並政廉

平鎮靜不擾吏民安之

新志

區祉字景賢零陵東安人嘉平中爲曲江長以太

守周憬循良遵承典憲宣揚德訓率履不越乃與

邑之故吏龔臺等立神漢桂陽守功勳銘曲江郭

蒼爲文立碑就上

新志

熊口立迹唯仁治歐羊尙書

洪氏諱曰碑少仕

州郡臨朝嘗鄂

鄂也

孔甫之操以忠孝稱更諸曹

賊曹主記史督郵主簿五官功曹舉孝廉上計掾

興平元年八月二十八日壬寅詔書除補桂陽曲

紅長旣敦文武爲政果達臨化宣惠所去遺積視

事六載鎮南將軍荊州牧侯山陽劉表以爲民所

安命還拜綏民校尉領曲紅長復蒞五年政隆上

古流移歸懷緜貢而至吏民作誦遺母憂去官

諱

後民校尉

謹案綏民校尉熊君碑首名字皆缺中

有喬字漢舉之文歐陽公遂謂喬爲綏民

校尉而洪氏隸釋非之廣東舊志本歐陽

氏之言自黃氏而下莫不以熊喬之名入

職官以其事跡入宦績細釋碑文則曲紅長之名竟不可考所謂熊喬者乃曲紅長之父也

三國吳

陸允字敬宗凱弟也始爲御史尙書選曹郎後爲衛陽督軍都尉赤烏十一年交阯九真夷賊攻沒城邑交部搖動以允爲交州刺史安南校尉允入南界喻以恩信務崇招納高涼果帥黃異等支黨三千餘家皆出降引軍而南重宜至誠遣以財幣賊帥百餘人民五萬餘家深幽不羈莫不稱願交域清泰就加安南將軍復討蒼梧建陵賊破之前後出兵八千餘人以充軍用永安元年徵爲西陵督封都亭侯後轉左虎林中書丞華嚴表薦允曰允天姿聰明才通行絮音歷選曹遺跡可紀還在交州奉宣朝恩流民歸附海隅肅清蒼梧南海歲有舊風障氣之害風則折木飛沙轉石氣則霧鬱飛鳥不經自允至州風氣絕息商旅平行民無疾疫田稼豐稔州治臨海海流秋鹹允又蓄水民得甘食惠風橫被化感人神遂憑天威招合遺散至被詔書當出民感其恩以忘懸土負老攜幼甘心景從衆無攜貳不煩兵衛自諸將合衆皆倚之以威未有如允結以恩信者也銜命在州十有餘年

寶幣殊俗寶玩所生而內無紛黨附珠之妾家無
文甲犀象之珍方之今臣實難多得宜在輦轂股

肱王璽以贊唐虞康哉之頌江邊任輕不盡其才
虎林選督堪之者衆若召還都寵以上司則天工

畢修庶績咸熙矣允卒子式嗣

吳展字士季下邳人篤學慎行爲鄉里所重州舉

孝廉仕至廣州刺史爲政清平著聲南嶠秀才蔡

洪稱其忠足矯非清足厲俗信可結神才堪幹世

被徵而去後爲吳郡太守吳平還下邳閉門自守

不交賓客誠聖王之老成明時之儔父也言於刺

史周俊欲其薦展展竟不出

虞授會稽餘姚人也少嗜經史壯負智畧永安中

州郡以文武才幹舉爲奏曹掾歷仕至廣州刺史

軫恤災旱申理幽滯廣民愛之行部所至密擒寇

賊勦相農桑闡境大治三年代去後南土盜發天

紀末復用授爲廣州督居嘗以馬革裹屍自許郭

馬作亂授竟死難人以爲識云子基右軍司馬孫

球仕至黃門侍郎上

滕修字顯先南陽西鄂人仕吳爲將帥孫皓時代

熊睦爲廣州刺史甚有威惠徵爲執金吾廣州部

曲督郭馬等爲亂皓以修夙有威惠爲嶺表所服

以爲使持節都督廣州軍事鎮南將軍廣州牧以

廣東通志 卷二百三十一 宣讀錄一

討之未尅而王師伐吳修率衆赴難至巴邱而皓已降乃縞素流涕而還與廣州刺史閻豐蒼梧太守王毅各送印綬以修爲安南將軍廣州牧持節都督如故封武當侯加鼓吹委以南方事在南積年爲邊夷所附太康九年卒孫舍授平南將軍廣州刺史在任積年甚有威惠舍弟子廙交州刺史書事傳南將軍之弟云舍授持節都督交州刺史顯允南陽西郢南之世寶侯益日忠恭修祖康桓允羊氏舍如方領民周之先父平爲瑞臨慈桓桓表所服持節復來王師伐吳忠之船年姑乘船渡所服持節復來王師伐吳忠之船年姑乘船渡所服持節復來王師伐吳忠之船年姑京師劉益日忠孫舍之

討之未剋而王師伐吳修率衆赴難至巴邱而皓已降乃縞素流涕而還與廣州刺史闕豎蒼梧太

守王穀各送印綬以修爲安南將軍廣州牧持節都督如故封武當侯加鼓吹委以南方事在南嶺

年爲邊夷所附太康九年卒孫含授平南將軍廣

州刺史在任積年甚有威惠舍弟子遞交州刺史

晉書本傳宋蔣之奇贊云晉使持節都督廣州
軍州事鎮南將軍廣州牧武當侯盛曰志舉修德

修顯光南陽西鄉卒皓之世實代熊腔來制廣州
宣市威惠爰有五仙騎羊而至手執五穀一壘六

德仙衣羊色各如方類皆周之先來半爲瑞漢茲
乘拒灼見天意粒我烝民南邦作父郭馬之亂未

珍渠魁嶺表所服持節復來王師伐吳赴羣巴邱
結託百降流還州遂送印綬作牧如故在南

年邊夷來附大康九載卒葬京師賜諡曰忠孫舍繼之

陶璜字世英丹陽秣陵人也父基吳交州刺史璜

仕吳歷顯位孫皓時交趾太守孫諸貪暴爲百姓

所患會察戰鄧荀至擅調孔雀三千頭遣送秣陵

既苦遠役咸思爲亂郡吏呂興殺請及荀以郡內

附武帝拜興安南將軍交趾太守尋爲其功曹李

統所殺帝更以建寧爨谷爲交趾太守谷又死更

遣巴西馬融代之融病卒南中監軍霍弋又遣驍

爲楊稷代融與將軍毛炅九真太守董元牙門孟

幹孟通李松王業彞能等自蜀出交趾破吳軍於

古戒斬大都督修則交州刺史劉俊吳遣虞汜爲

監軍薛珣爲威南將軍大都督璜爲蒼梧太守距

1001

1

稷戰于分水瑣敗退保合浦亡其二將瑒怒謂瑒曰若自表討賊而喪二帥其責安在瑒曰下官不得行意諸軍不相順故致敗耳瑒怒欲引軍還瑒夜以數百兵襲董元獲其寶物船載而歸瑒乃謝之以瑒領交州爲前部督瑒從海道出於不意徑至交趾元距之諸將將戰瑒疑斷牆內有伏兵列長戟於其後兵纔接元偽退瑒追之伏兵果出長戟逆之大破元等以前所得寶船上鎗物數千匹遺扶嚴賊帥梁奇奇將萬餘人助瑒元有勇將解系同在城內瑒誘其弟象使爲書與系又使象乘瑒輜車鼓吹導從而行元等曰象尙若此系必有去志乃就殺之瑒瑒遂陷交趾吳因用瑒爲交州刺史瑒有謀策周窮好施能得人心脩數討南賊不能制瑒曰南岸仰吾鹽鐵斷勿與市皆壞爲田器如此二年可一戰而滅也修從之果破賊初霍弋之遣稷吳等與之誓曰若賊圍城未百日而降者家屬誅若過百日救兵不至吾受其罪稷等守未百日糧盡乞降瑒不許給其糧使守諸將並諫瑒曰霍弋已死不能救稷等必矣可須其日滿然後受降使彼得無罪我受有義內訓百姓外懷鄰國不亦可乎稷等期訖糧盡救兵不至乃納之修則旣爲毛晃所殺則子允隨瑒南征城旣降允

求復警瑒不許吳密謀襲瑒事覺收吳呵曰晉賊吳厲聲曰吳何何等爲賊允割其腹曰復能作賊不吳猶罵曰吾志殺汝孫皓汝父何死何也瑒旣擒稷等並送之稷至合浦發病死孟幹暴能李松等至建鄴皓將殺之或勸皓幹等忠於所事宜有之以勸邊將皓從其言將徙之臨海幹等志欲北歸慮東徙轉遠以吳人受蜀側竹哥言能作之皓畱付作部後幹逃至京都松能爲皓所殺幹陳伐吳之計帝乃厚加賞賜以爲曰南太守先是以楊稷爲交州刺史毛晃爲交趾太守印殺未至而敗卽贈稷交州吳及松能子並關內侯九真郡功曹李祚保郡內附瑒遣將攻之不剋祚舅黎見隨軍勸祚令降祚答曰舅自吳將祚自晉臣唯力是視耳踰時乃拔皓以瑒爲使持節都督交州諸軍事前將軍交州牧武平九德新昌土地阻險夷獠勦悍惡世不賓瑒征討開置三郡及九真屬國三十餘縣徵瑒爲武昌都督以合浦太守修允代之交士人請畱瑒以千數於是遣還皓旣降晉手書遺瑒息融赦瑒歸順瑒流涕數日遣使送印綬詣洛陽帝詔復其本職封宛陵侯改爲冠軍將軍吳旣平晉滅州郡兵瑒上言曰交士荒裔斗絕一方或重譯而言連帶山海又南郡去州海行千有餘里

外距林邑纔七百里夷帥范熊世爲逋寇自稱爲王數攻百姓且連接扶南種類猥多朋黨相倚負險不賓往隸吳時數作寇逆攻破郡縣殺害吏臣以虐爲苦故國所採偏戍在南十有餘年雖前後征討窮其魁桀深山僻穴尚有遺寇又臣所統之卒本七千餘人南土溫溼多有氣毒加累年征討死亡減耗其見在者二千四百二十人今四海混同無思不服當卷甲消刃禮樂是務而此州之人識義者寡厭其安樂好爲禍亂又廣州南岸周旋六千餘里不賓屬者乃五萬餘戶及桂林不羈之輩復當萬戶至於服從官役纔五千餘家二州胥齒唯兵是鎮又寧州與古接據上流去交趾郡千六百里水陸並通互相維衛州兵未宜約損以示單虛夫風塵之變出於非常臣亡國之餘議不足採聖恩廣厚猥垂飾擢獨其罪覺改授方任去尋卽寵拭目更視誓念投命以報所受隨履所見謹冒瞽陳又以合浦郡土地磽确無有田農百姓唯以采珠爲業商賈去來以珠貨米而吳時珠禁甚嚴慮百姓私散好珠禁絕來去人以飢困又所調徭多限每不充今請上珠三分輸二次者輸一祖者蜀除自十月訖二月非採上珠之時聽商旅往來如舊並從之在南三十年感恩著於殊俗及

辛舉州號哭如喪慈親

督書本傳

薛綜字敬文沛郡竹邑人也少依族人避地交州從劉熙學士燮既附孫權呂綜爲五官中郎除合浦交趾太守時交土始開刺史呂岱率師征伐綜與俱行越海南征及到九真事畢還都呂岱從交州召出綜權繼岱者非其人上疏曰昔帝舜南巡卒於蒼梧秦置桂林南海象郡然則四國之內屬也有自來矣趙佗起番禺懷服百越之君珠官之南是也漢武帝誅呂嘉開九郡設交趾刺史以填監之山川長遠習俗不齊言語同異重譯乃通民如禽獸長幼無別椎結徒跣貫頭左衽長吏之設雖有若無自斯以來頗徙中國罪人雜居其間稍使學書初知言語使驛往來觀見禮化及後錫光爲交趾任延爲九真太守乃敘其耕犁使之冠履爲設媒官始知聘娶建立學校導之經義由此已降四百餘年頗有似類自臣昔客始至之時珠崖除州縣嫁娶皆須八月引戶人民集會之時男女自相可適乃爲夫婦父母不能止交趾瘴冷九真都龐二縣皆兄死弟妻其嫂世以此爲俗長吏恣聽不能禁制日南郡男女裸體不以爲羞由此言之可謂蠻貊有視面目耳然而土廣人衆阻險毒害易以爲亂難使從治縣官驕廢示令威服田戶

之租賦裁取供辦貴致遠珍名珠香藥象牙犀角玳瑁珊瑚琉璃鸚鵡翡翠孔雀奇物充備寶玩不必仰其賦入以益中國也然在九甸之外長吏之選類不情嚴漢時法寬多自放恣故數反違法珠崖之廢起於長吏視其好髮兒以爲髮及臣所見南海黃蓋爲日南太守下車以供設不豐搃殺主簿仍見舉逐九真太守儋萌爲妻父周京作主人并請大吏酒酣作樂功曹番歆起舞屬京京不肯起歆猶迫強萌忿杖歆亡於郡內歆弟苗帥衆攻府毒矢射萌萌至物故交趾太守士燮遣兵致討卒不能克又故刺史會稽朱符多以鄉人虞褒劉彥之徒分作長吏侵虐百姓強賦於民黃魚一枚收稻一斛百姓怨叛山賊並出攻州突郡符走入海流離喪亡次得南陽張津與荊州牧劉表爲隲兵弱敵強歲歲與兵諸將厭患去雷自在津小檢攝威武不足爲所陵侮遂至殺沒後得零陵賴恭先輩仁謹不曉時事表又遣長沙吳巨爲蒼梧太守巨武夫輕悍不爲恭服所取相怨恨逐出恭求步騭是時津故將夷廖欒博之徒尚多騭以次組治綱紀適定會仍召出呂岱既至有士民之變越軍南征平討之日改置長吏章明王綱威加萬里大小承風由此言之緩邊撫裔實有其人牧伯之

任既宜清能荒流之表禍福尤甚今日交州雖名粗定尙有高涼宿賊其南海蒼梧鬱林珠官四郡界未綏依作寇盜專爲亡叛通逃之藪若岱不復南新刺史宜得精密檢攝八郡方畧智計能稍稍以漸能治高涼者假其威寵借之形勢實其成效庶幾可補復如但中人近守常法無奇數異術者則羣惡日滋久遠成害故國之安危在於所任不可不察也竊懼朝廷忽輕其選故敢竭愚情以廣聖恩子瑯官至威南將軍征交趾還道病死本傳鍾離牧字子幹會稽山陰人赤烏五年從郎中補太子輔義都尉遷南海太守吳書高涼賊率仍督等破畧百姓殘害吏民牧越界撲討旬日降服又揭陽縣賊率曾夏等衆數千人歷十餘年以侯爵雜綸千匹下書購募絕不可得牧遣使慰勞登皆首服自改爲良民始與太守羊衡與太常滕允書曰鍾離子幹吾昔知之不熟定見其在南海感恩部伍智勇分明加操行清純有古人之風其見貴如此在郡四年以疾去職三國志注引會稽典錄陸凱字敬風吳郡吳人也赤烏中除儋耳太守討朱崖斬獲有功遷爲建武校尉吳書羊衡南陽人受知孫權初爲中庶子年二十事太子登爲賓客時廷尉監隱蕃交結豪傑自衛將軍

全琛等皆傾心敬待惟衛及宣詔即豫章楊迪拒
絕不與通時人咸怪之而藉後叛逆衆乃服之登
使侍中胡綜作賓友目曰英才卓越踰倫匹則
諸葛恪精識時機達幽究微則顧譚凝辨宏達言
能釋結則謝景究學藝微游夏同科則范慎衛乃
私於綜曰元遜才而疏子嘿精而狠叔發辯而淳
孝敬深而狹所言皆有指趣而衛卒以此言見咎
不爲恪等所喜後四人皆敗吳人謂衛言有徵書吳
傳生赤烏二年春爲使者督軍擊魏有功廖式作
亂既平以衛爲桂陽太守孫皓甘露元年分桂陽
南郡爲始興郡改衛爲始興太守衛益研政術南
嶠率服藻鑑人物卒無一爽人皆敬之黃志

廣東通志卷二百三十一終